



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Concilivm Apvd Trosleivm. In Qvo Isaac Comes Cvm Stephano episcopo
Camaracensi rediit in gratiam, anno DCCCCXXIV.

urn:nbn:de:hbz:466:1-15625

CONCILIVM RHEMENSE
INCERTI LOCI,

ANNO
CHRISTI
923.

*In quo pœnitentia indicta est iis qui bello Sueffionico inter Robertum
& Carolum reges interfuerunt anno * DCCCCXXIII.*

* al. 924.

ANNO dominicæ incarnationis DCCCCXXIII. episcopus autem domini Seulfi secundo, conuenientes sancti patres, Seulfus scilicet Rhemorum archiepiscopus, Abbo Sueffionicæ vrbis episcopus, Adelemus Laudunensis, Stephanus Camaracensis, item Adelemus Siluanectensis, Airardus tunc inibi ordinatus Nouiomagensis, cum ceterorum eiusdem Rhemensis diœceseos episcoporum legatis, decreuerunt hanc pœnitentiam his qui bello Sueffionis inter Robertum ac Carolum acto interfuerant iniungendam: videlicet, vt tribus quadragesimis per tres annos agant pœnitentiam: ita vt prima quadragesima sint extra ecclesiam, & cœna Domini reconcilientur. Omnibus vero his tribus quadragesimis, secunda, quarta, & sexta feria, in pane, sale, & aqua abstineant, aut redimant. Similiter quindecim diebus ante natiuitatem sancti Ioannis Baptistæ, & quindecim diebus ante natiuitatem Domini saluatoris, omni quoque sexta feria per totum annum, nisi redemerint, aut festiuitas celebris ipsâ die acciderit, vel eum infirmitate siue militia detentum esse contigerit.

CONCILIVM APVD TROSLEIVM.

ANNO
CHRISTI
924.

IN QVO ISAAC COMES CVM STEPHANO
episcopo Camaracensi rediit in gratiam,
anno DCCCCXXIV.

FLODOARDVS *in chronico*: Anno, *inquit*, DCCCCXXIV. Isaac comes quoddam castellum Stephani Camaracensis episcopi dolosa infestatione comprehendens incendit. *Et post alia*: Synodus episcoporum Rhemensis diœceseos apud Trosleium Octobri mense habita, Seulfo archiepiscopo præsidente: in qua Isaac comes ad emendationem & satisfactionem venit pro his quæ prauè aduersus

ANNO CHRISTI 924. ecclesiam Camaracensem perpetrauerat : & vadatus argenti libras centum, pacatur cum Stephano præfatæ vrbis episcopo, præfente Heriberto & pluribus qui aderant, Franciæ comitibus.

NOTA SEVERINI BINII.

^a *Concilium.*] De hoc Concilio in Galliis habito Flodoardus libro 4. capite 19. Duarum aliarum Synodorum eodem loco celebratarum idem Flodoardus meminit : quarum vna habita fuit sub præsidio Heriuai Rhemenfis archiepiscopi, in præsentia Caroli anno 921. Altera vero post occisum Seulfum, & quinquennalem Heriberti comitis filium Rhemenfis ecclesiæ episcopum electum, celebrata est anno 927. in qua Herluinus comes publicam egit pœnitentiam, eo quod duxisset vxorem alia adhuc superuiuente. Vide chronicum Cameracense libro 1. cap. 63.

Extat supra
sub Sergio
III. anno
909.

ANNO
CHRISTI
926.

CONCILIVM APVD CARILOCVM
ANNO DCCCCXXVI.

Ex *tabulis Carilocensis monasterii.* Anno incarnationis dominicæ DCCCCXXVI. domnus Anchericus sanctæ Lugdunensis ecclesiæ archiepiscopus, domnus quoque Geraldus Matisensis ecclesiæ venerabilis pontifex, nec non Odelardus Maurianensis episcopus, ad Carilocum monasterium conuenerunt, ibique diu vigilantia cura synodali consuetudine tractauerunt, qualiter ecclesiis locisque sanctorum desolatis propter prauorum hominum nequissimam cupiditatem subuenire potuissent, &c. *Enumerantur deinceps ecclesiæ decem, quas Synodus monasterio diuersis locis ablatas restitui iussit.*

ANNO
CHRISTI
927.

CONCILIVM APVD TROSLEIVM,
IN QVO HERLVINVS COMES POENITENTIAM
subiit pro vxore quam duxerat alia viuente,
ANNO DCCCCXXVII.

FLODOARDVS *item in chron.* Anno, *inquit,* DCCCCXXVII. Synodus sex episcoporum apud Trosleium habita, contradicente rege Rodulfo, per missos Heriberti comi-